

Onderhouwe motie wordt met systemen tegen de zwaai, afgevoerd.

Stadsraad (Vrij) d.d. 18 dec '18
Voorzitter Griffioen

FSP
FRENTE SOCIAL PROGRESIVO

Griffie ER Bonaire	
Ingek.:	DEC 18 2018
Volnummer:	2018012643
Griffie:	Uw:

MOSHON

Konseho Insular reuní den reunion públiko di awe Djamars 18 di Desèmber 2018 .

KONSIDERANDO KU:

- * Stinapa ta un instituto importante pa ku kuido i maneho responsabel di nos parke marino;
- * naturalesa i medio ambiente ta e pilá riba kua ekonomia di Boneiru ta wòrdu karga;
- * riba petishon di Stinapa Kolegio Ehekutivo resientemente a oumentá tarifanan pa uso di nos parke marino tantu pa snòrkel komo sambuyá;
- * e oumentu aki a trese sierto inkietut serka esnan ku ta manehá sentronan di buseo;
- * Stinapa ta argumentá ku e oumentu aki tabata nesesario komo ku e preshon di trabou pa esnan ku tin ku kuida nos parke tantu den laman komo na tera a oumentá konsiderablemente;
- * Gobièrnu a delegá e kobransa di uso di nos parke marino i terestre pa entre otro ankra boto, snòrkel, sambuyá i entrada na Parke Washinton na Stinapa;
- * un parti di entrada di Stinapa ta konsistí di donashon sea lokal o internashonal tambe;
- * ta importante pa esnan ku tin ku karga e responsabilidat pa kuida i mantené e balansa entre desaroyo ekonómiko i nos eco sistema ta ekipá i motivá pa hasi esaki;
- * bon nòmber i firmesa di Stinapa tambe ta di vital importansia pa e fundashon su funshonamentu;
- * resientemente a sali vários publikashon ku por trese duda den kredibilidat di e organisashon i esaki su Direktor;
- * Konseho Insular ta kere ku ta na su lugá pa Stinapa i su empleadonan tin un organisashon puru i limpi , duda den esaki ta pone un mancha riba e fundashon;
- * un bon nòmber di Stinapa ta instrumental den atrahe donashonnan pa e fundashon;
- * e bishita di prinsesa Beatrix na Boneiru i e lobby di esnan envolví pa ku nos medio ambiente i naturalesa mester di e sosten nesesario;
- * últimamente ta tin akshon di malkontentu bou di personal di Stinapa ku a resultá den un ' walk out ' di e trahadónan;
- * pas laboral i harmonia bou di staf i personal di Stinapa ta indispensable pa esaki su funshonamentu;
- * oumentu di entrada pa Stinapa mester ta kompañá ku un trayekto di mehorashon di e satisfakshon di trabou bou di e personal;

TA DISIDÍ :

- 1) Di instruí Kolegio Ehekutivo pa invitá Direktiva di Stinapa pa hasi un investigashon na Stinapa.

- 2) Ku e investigashon aki mester ta dirigí riba satisfakshon laboral bou di e empleadonan .
- 3) Ku e investigashon mester ta dirigí riba evaluashon di funshonamentu i komportashon di e aktual Direktor di Stinapa .
- 4) Ku opviamente Direktiva di Stinapa ta liber di inkorporá otro puntonan den e trayekto mensioná na punto 1 .
- 5) Di invitá Kolegio Ehekutivo pa den konsulta ku Direktiva di Stinapa garantisá profesionalismo i imparzialidat di e investigashon solista den e moshon aki .
- 6) instruí Kolegio Ehekutivo pa hasi posibel pa Konseho Insular haña un bista di e avansenan den ehekushon di e moshon aki dentro di 6 siman , despues di aprobashon di e moshon .

I ta pasa pa òrdu di dia, Kralendijk 18 di Desèmber 2018 .

Firmantenan ,

Robby Bøukenboom



Marugia Janga

